

Na osnovu člana 28., stav 1., tačka 7. i 9, te člana 40. Statuta Plivačkog saveza Bosne i Hercegovine (u daljem tekstu: PS BiH), Upravni odbor PS BiH (u daljem tekstu: UO PS BiH), na sjednici UO PS BiH održanoj dana 18.02.2017. godine, donosi

**ODLUKU
O VISINI TAKSI, KAZNI,
NAKNADA I DRUGIH DAVANJA**

Član 1.

Ovom Odlukom određuje se visina pojedinih taksi, kazni, naknada i drugih davanja koje članovi PS BiH plaćaju u skladu sa drugim opštim aktima PS BiH, i ista se odnosi na sve članove PS BiH (udružene članice, plivačke klubove, registrovane ili neregistrovane članove klubova, plivačke sudije, plivačke trenere, i ostala službena lica u plivačkom sportu BiH).

Član 2.

1. Taksa za godišnju članarinu-kotizaciju plivačkih klubova, prema PS BiH, u iznosu od 300,00 KM (tri stotine konvertibilnih maraka). Ista se uplaćuje preko udruženih članica, PS F BiH i PS RS, za tekuću godinu, najdalje do 28.februara, za tu godinu. Udružene članice taksu su dužne uplatiti u roku od 8 dana na račun PS BiH.
2. Taksa za evidentiranje registracije takmičara, prema PS BiH, u iznosu od 2,00 KM (dvije konvertibilne marke), godišnje.
3. Taksa za godišnju članarinu sudija koji sude takmičenja koja su u kalendaru PS BiH, prema PS BiH, u iznosu od 100,00 KM (jedna stotina konvertibilnih maraka). Ista se plaća do 30.septembra tekuće godine, za novu takmičarsku sezonu.
4. Taksa za godišnju članarinu trenera koji učestvuju u trenažnom procesu klubova, prema PS BiH, u iznosu od 20,00 KM (dvadeset konvertibilnih maraka). Ista se uplaćuje do 30.septembra tekuće godine, za novu takmičarsku sezonu.
5. Taksa za preregistraciju, prelazak takmičara iz kluba u klub, prema PS BiH, u iznosu od 50,00 KM (pedeset konvertibilnih maraka), za kategorije registrovanih članova u smislu Pravilnika o registraciji članova PS BiH. Ista se plaća u trenutku predaje zahtjeva za preregistraciju takmičara, i uslov je bez kojeg se ne može izvršiti upis preregistracije takmičara u takmičarsku legitimaciju, što povlači nemogućnost nastupa na bilo kojem takmičenju.
6. Taksa-kotizacija za nastup na državnom prvenstvu, prema PS BiH, za svakog takmičara, u iznosu od 30,00 KM (trideset konvertibilnih maraka), uplaćuje se prije početka takmičenja. Ova taksa-kotizacija ne plaća se za plivače koji imaju A reprezentativnu normu u odnosu na bazen na kojem se održava državno prvenstvo (vrijeme A norme vrijedi 12 mjeseci).
7. Taksa u iznosu od 10,00 KM (deset konvertibilnih maraka) za svako pojedinačno nepojavljivanje na startu takmičara čije se ime nalazi na startnoj listi, ukoliko klub do sastanka delegata prije početka prvog dijela takmičenja ne izvrši odjavu uz ljekarsku potvrdu o bolesti takmičara.
8. Novčana kazna za klub u iznosu od 50,00 KM (pedeset konvertibilnih maraka) za svako nepojavljivanje na startu finalne trke na državnom prvenstvu, bez predhodne pismene odjave takmičara kada su u pitanju plasirani takmičari.



9. Novčana kazna za klub u iznosu od 100,00 KM (jedna stotina konvertibilnih maraka) ako delegat na državnom prvenstvu utvrdi da delegat i/ili trener nisu pristupili na bazenu nepsoredno prije, za vrijeme, i neposredno poslije nastupa takmičara tog kluba, kao i u slučaju da takmičari tokom cijelog prvenstva nastupaju bez trenera ili delegata kluba.
10. Novčana kazna za klub u iznosu od 10,00 KM (deset konvertibilnih maraka) za svako nepojavljivanje na proglašenju pobjednika, osim u slučaju ako proglašenju predhodi ili je u toku trka u kojoj nastupa taj takmičar.
11. Novčana kazna za klub u iznosu od 10,00 KM (deset konvertibilnih maraka) za svako pojavljivanje neadekvatno obučenog takmičara na ceremoniji proglašenja pobjednika.
12. Novčana kazna za klub u iznosu od 1.000 KM (jedna hiljada konvertibilnih maraka) za nastup takmičara za kojeg se utvrdi da je nastupao bez valjane takmičarske legitimacije ili je takmičarska legitimacija lažna u smislu podataka u istoj.
13. Taksa-kazna u iznosu od 100,00 KM (jedna stotina konvertibilnih maraka) za nepojavljivanje takmičara na svečanom defileu prilikom otvaranja državnog prvenstva.
14. Novčana kazna za klub u iznosu od 500,00 KM (pet stotina konvertibilnih maraka) za nesportsko ponašanje trenera, takmičara i drugih lica, a u smislu disciplinskih prekršaja utvrđenih članom 11. Pravilnika o disciplinskoj i materijalnoj odgovornosti članova PS BiH.
15. Odjavna taksa za finalne trke na državnom prvenstvu u iznosu od 20,00 KM (dvadeset konvertibilnih maraka).
16. Taksa za pismenu žalbu izjavljenu tokom državnog prvenstva u iznosu od 100,00 KM (jedna stotina konvertibilnih maraka). U slučaju pozitivnog rješenja žalbe u odnosu na žalioca, taksa se vraća.
17. Klub koji do kraja državnog prvenstva ne uplati takse i kazne koje su obračunate tokom tog prvenstva plaća kaznu u iznosu od 100,00 KM (jedna stotina konvertibilnih maraka).
18. Taksa za izdavanje potvrde od strane PS BiH u svrhu dokazivanja neke činjenice za koju je nadležan PS BiH, u iznosu od 10,00 KM (deset konvertibilnih maraka)

Član 3.

Ne izvršenje plaćanja neke od taksi, naknada ili kazni iz člana 2. ove Odluke, podrazumijeva disciplinsku odgovornost u smislu Pravilnika o disciplinskoj odgovornosti članova Plivačkog saveza Bosne i Hercegovine.

Član 4.

Za realizaciju ove Odluke zaduženi su: Kancelarija PS BiH, delegati na državnim prvenstvima i drugim takmičenjima, udružene članice PS BiH, plivački klubovi, plivački sudije, plivački treneri i drugi plivački radnici, kojih se tiče predmet ove Odluke.

Član 5.

Ova Odluka stupa na snagu danom donošenja.

Broj: 2102-001-04/17

Datum: 21.02.2017.

PREDSJEDNIK PS BIH
Goran Todorović



Mogopodut?